



**Philippi Ecclesiæ Eystettensis XXXIX. Episcopi. De
Eivsdem Ecclesiæ Divis Tvtelaribvs. S. Richardo. S.
Willibaldo. S. Wvnibaldo. S. Walpvrga. Commentarius
nunc primum evulgatus**

Philip *<Eichstätt, Bischof>*

Ingolstadii, 1617

VIII. De S. Deocharo Confessore.

[urn:nbn:de:hbz:466:1-70477](https://nbn-resolving.de/urn:nbn:de:hbz:466:1-70477)

infesta, & que egeant aliquo Hieremias, qui threnos pangat, ac prisca illa.


CAPVT VIII.

De sancto Deocharo.

Dithemius lib. 3. de viris Illustribus Ordinis S. Benedicti cap. 234. Deocarus Monachus & Abas Heidenheimensis, in Diœcesi Eystettensi, vir valde venerabilis, scientia scripturarum, & religione Monastice & conuersationis, insignis, multis effulgit virtutibus. Eius festum VII. Idus Iunij agitur, sacra autem Reliquiae in Norinbergahabentur.

Vbi tamen corrigendus est Trithemius, nam Deocarus, Germanis Gottlieb/Græcis, Theophilus, non fuit Abbas Heidenheimensis, sed Hasenrietanus, seu Hernriedensis, initio enim Monasterium erat, conditum à Carolo Magno, cuius primus Abbas, Deocharus. Postea vertit in Canonicorum collegium, prout etiam hodie manet. Erat autem locus, vbi nunc Hernrieda, vastus & desertus, cùm à S. Deocaro incolicceptus est; in cuius gratiam Carolus Magnus exiguam ædiculam Deiparæ Virginis consecratam, exstruxit; quæ in magna religione & veneratione fuit usque ad auorum vel proauorum nostrorum memoriam, nam anno salutis M. CCCC. XC. in Vigilia SS. Apostolorum Petri & Pauli incendio periit cum potiore ciuitatis parte.

Supradictæ Ædiculæ, (vel Oratorio, vel Capelle) adiecit postea Carolus Magnus insigne Monasterium Ordinis D. Benedicti, cuius primus Abbas, S. Deocarus; sed non diu post, nempe, sub Erchenbaldo, Episcopo





scopo Eystettenſi VIII. Monachis ſubrogati ſunt Ca-
nonici. Nec oppidum Hernrieden alicui alteri ſua-
incunabula debet, quām Monasterio S. Deocari, eius
enim occaſione (quod & alibi ſæpius factum noui-
mus) varij ibidem domicilia fixerunt, & terram in-
cultam excolere cœperunt, tanto ſtudio & conatu, ut
vel in uitam mitescere cogerent. Quo anno Domini
Deocarus res mortales reliquerit ad cœleſtem beati-
tudinem translatus, mihi non liquet. Certum eſt, san-
ctitatem viri poſt mortem variis miraculis à Deo de-
claratam & illuſtratam eſſe.

Anno ſalutis M. CCC. XVI. eleuatum eſt ſacrum
corpus S. Deocari, præſente Ludouico IV. Imp. Ba-
varo, & Philippo XXXIX. Epifcopo Eystettenſi,
repuſitumque in ſarcophago lapideo, portione de
ſacris Reliquiis Ludouico Imperatori data, qui ea
Norimbergenſium Templem Laurentianum coho-
nestauit, in cuius altari duodecim Apostoli confe-
crato religioſe aſſeruata eſt. Anno Christi M. CCCC.
XVI. vel, ut eſt in alio exemplari M. CCCC. VI. tranſ-
latum eſt hoc altare cum Reliquiis S. Deocari ad no-
uum facellum, in honorem S. Deochari dedicatum,
quod vulgus quoque S. Gottlieb Capell nominat.

Anno Domini M. CCCC. L XXXII. ipſo Pa-
ſchatis feſto, præſentibus Wilhelmo Epifcopo Eystet-
tenſi, nonnullisque Canoniciſ tam Eystettenib⁹,
quām Hernriedenib⁹, apertus eſt lapideus ille, de
quo ſupra ſarcophagus, in quo reperta ſunt ſacra oſſa
Deochari, viridi eoque ſericō panno inuoluta, non
ſine gratiſſimi odoris fragrantia, quæ ex veteri con-
ditorio exempta Wilhelmuſ Epifcopus in nouum
abs ſe procuratum tranſtulit.

Porro tam Hernriedæ, quām Norimbergæ Deus
varia miracula beatis hisce l ipsanis interuenientibus,
edidit; nam & cæcis visus, claudisque gressus restitu-
tus est; fugati omnis generis morbi, etiam Epilepsia.
Fœdus strumæ tumor depulsus'. Vita redditia iam ad
mortis limina admotis: In præceps delapsi quidam
absque noxa, inuocato S. Deocari subsidio. Denique
multa alia beneficia ad sacros hos cineres mortalibus
accurrentibus diuinitus concessa sunt: quorum cata-
logum vernaculo idiomate conscriptum vidi in Mo-
nasterio Rebdorffensi propè Eystadium, monstrante
admodum Reuerendo Patre ac Domino, Leonardo
Crausio, cœnobij illius Priore vigilantissimo. Quidau-
tem Reliquis istis factum sit, postquam Lutherus No-
rimbergam occupauit, mihi incomptum est. Alte-
ra & potior pars Hernriedæ adhuc reuerenter custo-
ditur & colitur. Nec plurade S. Deocaro indagare
potui.

CAPVT IX.

*De S. Sebaldo, Norimbergensium
D. Tutelari.*

Sicut Deocaro adiungere visum est S. Se-
baldum, quia ut locis vicini, ita annis non
fuere adeo dissiti. De quo ex Schedelio Ætu-
te VI. Centuriatores Cent. 8. cap. 10. (admixtis tamen
conuiciis, que in Schedelio non legerant, sed exama-
rulenta mente sua de promiserant.) *Sebaldus Regis Da-*
cia filius Parisis operam literis dedit: ac noctu cum deberet
cum sponsa dormire, aufugit, si credere fas est. Difficile cre-
ditu hoc Prædicantibus accidit; quis enim ex illorum
numero lectum genialem bene instructum, iam iam-
que